

Paasissutissat pillugit pissuserissaarnissamut politikki

Aallaqqaasiut

Paasissutissanik katersisarneq suliarinnittarnerlu suliffeqarfimmik ingerlatsinermi annertusiartuinnarlunilu pingaaruteqaleriartuinnarpoq. Taamaattumik paasissutissanik suliarinnittarnerq pingaaruteqarnerulerpoq.

Ingerlatseqatigiiffittut, assartuinissamut sullissinissamik akuersissut aqqutigalugu Kalaallit Nunaanni pilersuinerup isumannaatsuunissaanut ingerlaarfissanillu pilersaarusiortarnermut immikkut akisussaaffeqartutut, Royal Arctic Linep paasissutissanik suliaqartarnerup pissuserissaartumik ingerlanneqartarnissaata pingaaruteqassusia ataqqillugu akueraa.

Nassuiaatit

Inunnut paasissutissat: Paasissutissat inummut atassuserneqarsinnaasut, toqqaannartumik imaluunniit toqqaannanngitsumik.

Paasissutissanik suliaqarneq: Suliat suulluunniit paasissutissat atorlugit ingerlanneqartut, soorlu katersineq, toqqortaateqarneq, atuineq nunguterinerlu.

GDPR: General Data Protection Regulation, EU-p paasissutissat illersorneqarnissaat pillugu ataatsimut peqqussutaa, inunnut paasissutissanik suliaqarnermut malittarisassanik aalajangersaaffiusoq.

Paasissutissatigut isumannaallisaaneq: Teknikkikkut aaqqissuussaanikkullu iliuitsit, paasissutissat susassaqqanngitsunit pissarsiarineqarnissaannut, allanngortinneqarnissaannut, annaaneqarnissaannut imaluunniit atorsinnaajunnaarsinneqarnissaannut illersuutaasut.

Assigiinngisitsineq: Paasissutissanik katersineq, misissueqqissaarneq imaluunniit nammineq pisartumik aalajangiisussanngortitsinikkut inunnut ataasiakkaanut imaluunniit eqimattaqatigiinnut naapertuilluannngitsumik imaluunniit naligiinngitsumik iliorneq.

Siunertaa

Ingerlatseqatigiiffiup ingerlaasiini teknologiimillu atuisarnerani paasissutissanik suliarinnittarnermut sinaakkusiussanik erseqqissunik aalajangersaanissaq paasissutissat pillugit pissuserissaarnissamut politikki matumani siunertarineqarpoq. Paasissutissanik suliaqarnerup inatsisinut, pissuserissaarnissamut tunngavissiat aamma inuit ataasiakkaat pisinnaatitaaffiisa ataqqineqarnissaannut naapertuuttumik ingerlanneqarnissaa tassuuna qulakkeerneqassaaq.

Immikkoortortaqaarfik: Compliance	Naqqissorneqarpoq uannga: Compliance Manager Akisussaasoq: CFO Akuersisut: Siulersuisut	Versioni una akuerineqarpoq: (04.12.24) Version: (nr. 1)
--------------------------------------	--	--

Politikki

Royal Arctic Line paasissutissanik aatsaat katersissaaq suliarinnillunilu, tamanna siunertamut erseqqissumik nassuiarneqartumut pisariaqartinneqarpat, katersinerlu ingerlatseqatigiiffimmut ingerlatseqatigiiffiullu sullitaanut naleqalersitsippat. Ingerlatseqatigiiffik aalajangiiniarnermini paasissutissanik atuigaangami paasissutissat kinaassusersiorfiunngitsuunissaat ukkatarisarpaa, peqatigisaanilli aalajangiinerup pineqartup inunnut kinguneqartitsisinnaanera paasisinnaallugu. Kingunerisassat taakku aamma aalajangiiniarnermut ilaatinneqartarput. Tamanna pissuserissaarnissamut toqqammavissatsinnut nukittorsaataasussaavoq.

Inunnut paasissutissanik suliaqarneq GDPR-ip naammassineratigut pisussaavoq, soorlu tamanna ingerlatseqatigiiffiup inunnut paasissutissat pillugit politikkiini allaaserineqartoq.

Teknologiinik atuneq

Ingerlatseqatigiiffimmi paasissutissanik suliaqarnermut teknologiit nutaat pissuserissaarnissamut tunngavissanik eqquutsitsisussanngorlugit ilusilersugaassapput paasissutissallu eqqortumik piffissarlu eqqorlugu nunguterneqarnissaannik qulakkeerinnittussaallutik. Systeminik nutaanik atulersitsisoqannginnerani ingerlatseqatigiiffimmut nalunaarsorneqartunullu kingunerisassanut nalorninartunik nalilersuisoqassaaq uppersaasiortoqarlunilu.

Paasissutissat isumannaassusiat aamma ammasumik suleriaaseqarneq

Ingerlatseqatigiiffiup nalorninartunik nalilersuinerit tunngavigalugit teknikkikkut aqqissuussaannikkullu iliuutsinik naleqquttumik qaffasissusilinnik atulersitsinissaq qulakkiissavaa.

Paasissutissanik suliaqarneq ammasumik periaaseqarluni pissaaq, pingaartumik algoritmenik aamma ingerlatsinernik isumaminik ingerlasunik, inunnut ataasiakkaanut annertuumik sunniuteqarsinnaasunik, atuisoqartillugu.

Suleqatigisartakkat pisiortorfigisartakkallu avataaneersut paasissutissanik suliaqarnermut inatsisinik malitassanillu atuuttunik naammassinninnissaat paasissutissanik suliarinnittartunut isumaqatigiissutit aqutugalugit ingerlatseqatigiiffiup qulakkeerniarpaa.

Inunnut paasissutissanik isumannaallisaanermi unioqqutitsisoqartillugu ingerlatseqatigiiffik pisariaqanngitsumik kinguarsaanani ajornanngippallu nalunaaquttap akunneri 72-it iluanni Datatilsynetimut nalunaaruteqassaaq, unioqqutitsineq inuit ataasiakkaat pisinnaatitaaffiit imaluunniit kiffaanngissuseqarnerannut aarlerinaateqartutut nalilerneqarpat.

Immikkoortortaarfik: Compliance	Naqqissorneqarpoq uannga: Compliance Manager Akisussaasoq: CFO Akuersisut: Siulersuisut	Versioni una akuerineqarpoq: (04.12.24) Version: (nr. 1)
------------------------------------	--	--

Inuttut pisinnaatitaaffinnik ataqqinninneq

Ingerlatseqatigiiffiup paasissutissanik suliarinnittarnerani inuttut pisinnaatitaaffiit ataqqineqassapput aamma assigiinngisitsinissaq, pingaaruteqanngitsutut isiginninnissaq immikkoortitsinissarlu pinngitsoortinneqassapput.

Suliarinninnermik ingerlatat tamarmik inuit ataasiakkaat akornusersorneqaratik inuunissaminut pisinnaatitaaffeqarnerannut tunngatillugu nalilersuiffigineqartassapput.

Innersuussinerit

Sullitanut suleqatigisartakkanullu tunngatillugu inunnut paasissutissat pillugit politikki Sulisunut tunngatillugu inunnut paasissutissanik suliarinnittarneq pillugu inunnut paasissutissat pillugit politikki

Oqaaseqaatit/nassuiaatit/itisiliinerit

Paasissutissat pillugit pissuserissaarnissamut politikki manna ingerlatseqatigiiffiup akisussaassusilimmik paasissutissanik suliarinnittarnermik inuillu ataasiakkaat pisinnaatitaaffiinnik illersuinissamik anguniagaqarnerata qulakkeernissaanut ilaavoq.

Sulisut kajumissaarneqarput politikki imaluunniit paasissutissanik suliarinnittarneq pillugu apequtissaqarunik compliance managerimut imaluunniit aqutsisunut saaffigineqqullugit.

Matumani politikki ukiumoortumik nalilersuiffigineqartassaaq, inatsisilli, teknologit imaluunniit suliffeqarfiup pisariaqartitai allannguuteqartillugit ingerlaavartumik nutarterneqartassalluni. Paasissutissanik isumannaallisaanermik unioqutitsisoqarneranik pisut immikkut misissuiffigineqartassapput paasissutissanillu isumannaallisaanerup ingerlaavartumik pitsanngorsarneqarnerata qulakkeernissaanut aamma atorneqassallutik.

Akuerineqarpoq 4. decembari 2024

Pisortaaq

Siulersuisut siulittaasuat

Immikkoortortaqaarfik: Compliance	Naqqissorneqarpoq uannga: Compliance Manager Akisussaasoq: CFO Akuersisut: Siulersuisut	Versioni una akuerineqarpoq: (04.12.24) Version: (nr. 1)
--------------------------------------	--	--